

近代中國史料叢刊續編第四十一輯
沈雲龍主編

東 征 集

藍鼎元著

文海出版社

有限公司
印 行

序

從來軍中不言文非謂無用文
地也戎馬倥傯事機呼吸何暇
選言騁辭為文章以名於世雖
然固有之古人誓師可垂為經
號令條教皆有文理是以磨者

草檄傳為美談而傅脩期上馬
擊賊下馬作露布先哲以英雄
艷之豈古人界大勝今人哉古
人原未嘗有意為文說理談事
如家常告語其胸中有惻隱羞
惡真性情流露行墨間則為至

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



文今人雕肝琢腎句造字鑿有
藻繪而無義理有浮華而無神
氣風雲月露花鳥蟲魚之外不
知宇宙中復有何事可以為文
者則其所謂文非文而所當文
者又不能文也夫讀書期於適

用立言務在可行學而不達於
政言而不宜於行是沾沾者奚
益乎余生平不好為文亦不樂
觀無用之文故於世俗所標榜
稱名士嚶嚶自詡風流者概未
敢有所許可不意今乃得之鹿

洲山人山人閩中儒者以振興
絕學為己任紹衣濂洛或疑其
近於迂然自童年喜談兵講求
經世理物之宜所過山海要害
民生區畫靡不鏤心默識時人
莫之知也雍正五年夏五月余

令東粵之海豐秋山人亦宰普
寧普寧蕞爾邑無足治上官聞
其才檄攝潮陽篆潮陽煩劇甲
東粵山人為政日有聲余兩人
既壤相接諸事得相聞徒以各
有分土未得恒相見越一載余

偶以不樂自劾棄官而山人亦
為造物者所忌假手讒人以去
旅中無事始得數過從盡窺山
人所著述於戲如山人者豈得
以文士目之哉學適於世用而
心常存乎世道人心詞不尚浮

夸而論切中乎人情物理余不
知古所謂才者何如然以耳目
所及見聞蓋亦尠矣雍正十年
余兩人又同客廣州得朝夕繼
見殊懽甚山人舊有東征一集
乃康熙六十年臺灣朱一貴盜

兵時山人從統師藍公荆璞運
籌閩外所著者雖海島沙蟲不
足勞山人部署而決機料敵往
往如神即閒情所寓紀事紀遊
皆有深心不為苟作風行海內
已歷歲年余惜其板字漫漶且

詢知前刻倉皇未及竣脩為檢
軍中舊稿更加選評又得賢居
停為鳩工匠不兩月而新雕復
成山人著書滿家余獨喜是書
成於戎馬倥傯事機呼吸之餘
而整暇從容有古人誓令遺意

且能使東寧山川形勢瞭如指
掌不必身親其地而歷歷如在
目前又言皆有用非徒為無益
之虛談也於是乎書

雍正十年秋七月同學弟天長

王者輔拜手題



舊序

臺灣居東南大海之外盤古以來版圖
弗載

皇帝八荒爲宇日月所照罔不率俾癸亥削
平逋寇建置一郡三邑魑魅荒陬蠻瘴
絕域遂爲衣冠文物富庶樂郊四十年
來噢咻生息童耆婦女含鼓嬉遊宴安
無事辛丑夏四月小醜朱一貴等倡亂

傷害官兵竊踞全郡浙閩總制覺羅滿
公檄予總統水陸大軍八千人偕水師
提督施公剿之予以菲才受

國厚恩方思盡瘁圖報幸得備員討賊實
所上願捧檄之日與家人訣誓不滅賊
不生還倍道疾趨乘風破浪賴

皇上威靈將士効力一戰拔鹿耳再戰復安
平三戰四戰定鯤身掃瀨口復大戰于

西港仔竿寮鄉蘇厝甲遂收府治七日
之內復我臺疆追奔逐北捷于大穆降
分兵南北二路巨魁就縛脅從以次剿
蕪乃地廣孽繁餘黨屢叛復有阿猴林
江國論等六加甸林君鹽水港楊君等
舊社紅毛寮黃輝卓敬等石壁寮陳成
等三林劉國華竹仔腳蘇齊黃潛等後
先繼起疲敝師徒歲餘乃靖加以風災

疾疫遍野哀鴻截首飾金生番四出予
焦心勞思與幕友陳君少林及予弟玉
霖日夜籌謀安撫整頓至忘寢食不敢
憚煩蓋破賊僅在七日而殄孽綿延兩
載定亂保疆若斯之難也前此陳君修
志諸羅憂深慮遠於臺事若預見其未
然者厥後滿公羅之幕府旋命叅予戎
務陳君深沉多智畧爲予計擒數巨魁

南北路稍平倦遊歸里自是軍中謀畫
獨子弟玉霖一人今餘孽絕根地方寧
靜玉霖亦鼓棹西歸予寂寞無聊偶檢
出軍以來諸凡筆墨公檄書稟條陳雜
著皆予與玉霖兩載精神心血所在不
忍棄置擇其可存者百篇付之剞劂玉
霖少孤力學食貧自命不可一世十歲
通五經三十窮諸史理學經濟韜鈴行

陣靡不研究精微方成童時卽自廈泛舟觀海沂全閩島嶼歷浙洋舟山而歸南至南澳澄海海門往返波濤熟悉沿海形勝予久任浙東相見日少惟聞其鬢序冠軍爲學使觀察刺史縣令延禮衡文中丞儀封張公聘修先儒諸書講明正學以爲恂恂儒者爾及予遷南澳便道家鄉與論鎮澳事宜洞若觀火乃

大奇之予巡哨南洋舟中起雷甚不懌
玉霖爲予解曰威震東方聲聞四海之
象兄其建勳業于臺灣乎越月聞臺警
始壯其言亦未料其經濟韜鈴果皆可
用運籌參贊若此也予胷中每有算畫
玉霖奮筆疾書能達吾意又深諳全臺
地理情形調遣指揮並中要害決勝擒
賊手到功成當羽檄交馳案牘山積裁

決如流倚馬立辦猶且篝火連宵不寐
而籌民瘼海外軍中風沙腥穢兄弟相
對竟日念念地方不自知其苦也予憂
臺北空虛玉霖議於半線以上設縣添
兵與陳君少林修志時所見脗合而玉
霖尤大聲疾呼不啻舌敝穎禿更欲於
竹塹羅漢門郎嬌增置兵防蓋於地方
利病無所不用其心如此昔范文正公

作秀才以天下爲己任子弟玉霖其庶
幾乎讀東征一集可以觀弟之苦心亦
見予之勞瘁未知果有小補於臺灣否
也

康熙六十一年壬寅冬十月旣望漳浦
藍廷珍荆璞氏題



三十三

三

東征集目錄

卷一

上滿制府論臺灣寇變書

與制府論進兵中路書

與施提軍論止殺書

檄臺灣民人

六月丙午大捷攻克鹿耳門收復安平露布

鯤身西港連戰大捷遂克府治露布

擒賊首朱一貴等遂平南北二路露布

檄外委守備陳章撫擒逸賊

檄南路營進兵阿猴林

卷二

檄查壘甲流民

檄擒舊社紅毛寮餘孽

檄施恩陳祥諭撫杜君英

檄南路營勦捕石壁寮

檄諸將弁大搜羅漢門諸山

搜小石門諸山

檄查大湖崇爻山後餘孽

檄諸將弁搜捕竹仔腳逸賊

檄下加冬李守戎

檄淡水謝守戎

卷三

復制軍論築城書

與制軍再論築城書

與臺灣道府論殺賊書

答道府論陳福壽入山書

覆制軍臺疆經理書

覆制軍遷民劃界書

論臺變武職罪案書

論劉得紫書

卷四

論臺鎮不可移澎書

覆將弁矜功缺望書

論舊兵停餉撤回內地書

論征臺壯丁停餉歸農書

請班師書

覆軍前將弁可當大任書

請寬楊姓株連書

論哨船兵丁換班書

復呂撫軍論生番書

請行保甲責成鄉長書

請權行團練書

卷五

料三林逸賊逃歸內地請移廣省擒捕書

論下加冬半線二守備書

論蘇榮書

論諸弁書

論周彩書

論蔡奕陳祥送考軍前弁缺書

論臺中時事書

論擒獲奸匪便宜書

論復設營汛書

與朱參戎札

與林遊戎札

諭閩粵民人

卷六

紀十八重溪示諸將弁

紀虎尾溪

紀水沙連

紀竹塹埔

紀火山

紀荷包嶼

紀山後崇文八社

覆臺變殉難十六員看語

覆臺變逃回澎湖押發軍前効力奉參解任十

六員看語

覆臺變在事武職四十一員看語

東征集卷一

漳浦藍鼎元玉霖稿

天長王者輔近顏評

上滿制府論臺灣寇變書

臺灣僻處海外。狃於治安久矣。朱一貴突爾跳梁。戕

害官兵。竊踞郡縣。雖曰猖獗之極。其實不難平也。無

賴子弟。偶爾烏合。尚未知戰守紀律。為何事。當即命

將出師。星夜進討。如揀焚拯溺。勿容稍緩。彼不意官

速。進。便。是。高。者。

胸。有。勝。算。